

Ebaibul ngolo agidwe  
edodi

Ngakujuwanisia nguna ayesu



Ekegiran : Edward Hughes

Itacaikinit : Byron Unger; Lazarus  
Alastair Paterson

Aketorokon : E. Frischbutter and Sarah S.

Akejulan : [www.Christian-translation.com](http://www.Christian-translation.com)

Ekegurunon : Bible for Children  
[www.M1914.org](http://www.M1914.org)

©2021 Bible for Children, Inc.


Iyakatar iyong apedor ngina kithikwanet kori nakigurunet eemut lo,  
nait ngigela iyong inges.



Kitiya yesu ngakujuwanisia nguna alalak. Arai ngakujuwanisia nguna etodiunito atemar erai inges yesu kire lokoku kakuj. Akujuwanisit ngina kaekingaren etiyaun anasuban anguna ka ekiitanu. Tolomu ationis. Amam epiini ngolo abeit kitemokin ngitunga daadang.



Maria, toto ayesu, tolimok inges ationis, Nai tolimok  
ngikejanakinak akitiya nguna atubunit inges.



"Kileleba ngakipi namoti nu,"  
Tolimu yesu. "Ngakipi?" Kingitasi  
kona. Ee, engita Yesu ngakipi.



Tolimok yesu ekejanakinan  
akimat anamot kapei angina  
apolon ka kimiet elope  
ngolo angasuban kiir.  
Apotu ngakipi toraut  
epiini! Epiini ngolo  
ajokan! Epiini ngolo  
ajokan nooi!



Apotu ngikejiananakinak  
tongithimima. Anierai  
kilocok yesu ngakipi  
toluwosi torata ngagwe.  
Akuj bon apedorit akitiya  
ngakujuwanisia ngun.




Kitiya yesu ngakujuwanisia  
ngunace. Apei tabong, Inges ka  
ngikekasiomak apotu toloto Kai  
apetero. Nakamuran apetero  
adieka nooi ka erugirugi akwang.





Abu yesu totap akan kakadieka. Anapaki anginapei Abu tongaleu nabo. Abu tonyou akijaanakin yesu ka ngikekasiomak.



Esinit etaun daadang ngolo apolon kecunakina  
lopuke atabong ngin. Apotu potu ngitunga ngulu  
adiekasi - amudukaka,  
akinyimaka, lu pa  
erworosi, angwalito.  
Ka ngitunga dang ngulu  
ekamunito ngiwamin  
totukokinos neni  
ayesu. Kingarakinit  
mono inges  
ngikalalak a?



Yesu, lokoku ka Akuj, Engaranamakini. Ngulu daadang apotu potu neni keng aponi kitangaleunoi. Ngitunga ngulu ayarete eyare ca tolsete angamadalai apotu topedosi arotokin ka akerete.




Potu nguluce, ngulu  
petisilitoi ka atapon.



Apotu ngakecewat  
daadang tosegut  
ilotari yesu ikes.



Ngikiliok ka ngaberu ngulu esicanito ngiwamin towaa alokingaren yesu. Abu inges kingenyak ngiwamin aisikin ikes. Apotu ngiwamin topuput, ekuriakito, ngitunga ngulu pa alakara apotu toyapaketa ka toleliana.



Aloyaye atukot, kikatakis ngikiliok ngiomwon akingarakin ekecekone Yesu. Nai ngeyapiasi ikes diyete. Anu kepotu mono kona i ikes kitiyata?



Edakario ekile ngolo adieka  
kidiama akai, apotu ngikonei  
ngiomwon ngulu anupak kiriut  
akai totiaka ka kiyoliut  
inges kwap. Nai anen ayapi  
inges aneni Ayesu.





Kingolik Yesu atemar ngikonei  
ngiomwon lu ayakatar  
anupit. Tolimok neni  
kaekadiekan, "Etimokin  
ngakoniseccisia.

Tolema ikoniperiet  
tolot." Tonyou ekile  
lo towo, engale ka  
egogong. Aris Yesu  
kitangaleu inges.



Atipei kirikakin, ayai Yesu  
nataker ka ngikekasiomak.  
Tokut ekuwam ngolo ti  
apolon nooi kisimorokoko  
ngakipi anakaililit. Nai  
ajotoi Yesu. Tonyout  
ngikekasiomak ebuliyo.



"Tojongo," kingenyak Yesu ngakimorokokoet. Atipei, kinapakin nai akiliilit. Alikabila kaekile lo?" Kingaingakinos ngikasiomak keng. Ekuwam ka akiliilit epupete Inges. Kikinyoma ikes Yesu erai lokoku Kakuj anierai apotu ngakekujuwanisia kidodiut apolou Keng. Emam pa ayenete ngikasiomak keng ngun, nai alosete ikes akingolikin Yesu

itiyai ngakujuwanisia ijaananakini Akuj alokiliok.



Ngakujuwanisia nguna ayesu

Eemut ngolo kakirok ka akuj, Ebaibul,

eriamunitai alotoma

Matayo 8-9    Mariko 1-2, 4

Luka 4, 8    Yoana 2

"Alomunet kakirok kon einanakini akica."

Ekiruk 119:130



Agetakinet



Ikilimokinit iwon Ebaibul ngolo angiemuto lo nguna etapito ayoko Kuj nginakaumokin ngina ikisubuni iwon ka Ngina acamit iwon toyanyunai Inges.

Eyeni Akuj atemar ikitiya iwon ngiboro ngulu aronok, ngulu enyaritInges ebe asekit. Akisicanet nai kasecit erai atwanare, Nai ikimina iwon Akuj nooi abu Inges kiyaku lokoku keng ngolo donupei, Yesu, atwanare Alomusalaba ka kisicanai anguna angayok secisia. Abu nai Yesu toyaru nabo ka tolot lore Nakuj! Ani nai kinupito iyes neni Ayesu kingitakisi Inges kitimok ngakus secisia. Itiyakini Inges ngun! Ebuni Inges ka iboikin toma kus tokona, Ka iboikinosi iyes ka Inges jik.

Nai nai kinupito iyes nugu erai nguna akire, temasi nege neni Kakuj: Ekajokan Yesu, anupit ebe irai Iyong Akuj, ka ibu toruwor itunganan atwanare anguna angasecisia kang, ikotere ayong ariamuni akiyar ngina kitete tokona, ka apei kolongit obu eboyoto ka Iyong jik kingarakinai ayong akipup Iyong ka eboi anguna kon arai ikoku ion. Amen.

Tosiom Ebaibul ka kirwor neni Kakuj angina kolongit!

Yoana 3:16

